



石倉十二代詩選

明六集卷六十

震川集

大明

崑山歸有光著

後學曹學佺閱

遊靈谷寺

晨出東郭門初日照我顏
 春風吹習習好鳥鳴
 喧喧巖阿見黃屋登坡尋
 神山半日猶山麓十里
 長松間蜿蜒芳草路寂
 寞古禪關畫廊落丹
 雘朱戶蝕銅鑲殿起無
 梁迴塔留玩珠攀蒼鼠
 戲樹捷野鹿看人閒山
 深靜者愛日宴未知還

下第歸安事寄友人

青春日以逝吾道何迤邐
昨者南宮試列郡饒
英賢顧獨不見君諸子
走翩翩予復遭擯落自
視真茫然仲尼歿已久
軻處失其傳大道如白
日諸儒或守筌群言雖
淆亂遺編可鑽研與君
東海上此意十年前倘
可理前語忻忻夜不眠
未出長安門夢君洞庭
間今歲返故廬復此耕
石田一見吳淞江思君
在眼前如何三十里猶
自隔山川

讀史二首

謝公四十餘高臥在東山
妻子來相問掩口笑
不言長安公與卿富貴
多少年徇時豈不能吾
志不其然所以任公子
長垂百丈緡

劉毅無甌石一擲百萬錢
淮陰置母塚行營萬
家田英豪不在此意氣
聊復然安能效拘儒規
規翦翦焉東海有大鵬
扶搖負青天可憐蜩與
鳩相笑榆枋間

送王柳州姊丈

里亭

首夏天氣清送行十里亭槐柳夾脩岍駢駕朱
轡明分符向狼荒萬里投南行戚戚感陽烏依
依悲鵲鳩迢迢五嶺外天盡見龍城丈夫志四
海不敢憚遐征陸梁久爲郡天下今太平嶺南
有霜雪谿峒樂耘耕爭出溫草地來迎太守旌
孰能不請吏而肯逆顏行近者少不靖夫豈好
稱兵遠方亦吾人擾之而後驚願言弘愷悌可
使百粵寧

舟阻沽頭閘陸行二十餘里到沛縣

上沽下沽頭有如百里隔曲河見舟檣相去只
咫尺舍舟遵平途馬蹄生羽鬮麥穗垂和風披
拂盈廣陌吾聞江北人終年飢無食吾來江北
地每喜見秀麥行行野樹合已到古沛驛漢帝
遺原廟屋瓦殘青碧龍化已千秋鷄犬如昨昔
欲尋歌風處閭里亂遺跡今人泗水上猶樹歌
風石

詠史

桓桓後將軍受鉞綬西疆徐驅出滄中不戰屈

先零落都山前夜萬騎羽林營天青淨無塵月
明刁斗聲春耕浩疊田千頃連臨羗王者師無
敵天道本好生云何漢天子廟計乃倉皇璽書
卒報從於此見靈明嗟哉酒泉守得無事窮兵
但令多殺人功名亦可成

和俞質甫夏雨效聯句體

浮雲方靉黳光景遂已戢決旬深淫澍千里破
封蟄茫茫河伯歎蕭蕭山鬼泣靈曜邃高居朱
明闕赫翕希微澹將開浙瀝吹又憑遇夜轉連

綿醜流更洽漉萬壑嘒霰鳴百川灌注入池容
添紋縠林色浸淤浥離畢月暫耿宿井星恒濕
瀲灩湖光翻蹙咽海潮澁霓旌尚高翔雲衣猶
日緝覆水詎可收天漏誰能葺馬牛三江混鴻
濛九峰立嗟我來自東獨行阻虛邑夢離思明
兩筮坎成洊習誰假卜商蓋但戴杜甫笠繽紛
餘花落寂寞愁鳥集窮巷長閉門高河近通檝
天地政氤氳雷風迺呼吸悽悽聽晨鳴濛濛睇
甯熠作又徵時暘思文憂民粒鼃黽費灰灑魚

鰕饒掇拾廣室坐增悽匡牀聽生悒何繇度日
闕安能使家給泥塗踰重繭梅潤侵什襲寒袍
故戀緝瀾簡慵啓笈顧嘆風雲滿寧使蛟龍繫
短屐徒齒齒折巾空岌岌俯仰觀宇宙塊北迷
原隰阻饑知不免寅亮豈能及

南旺

嗟我南行舟日夜向南浮今日看汶水自此向
北流帝京忽已遠落日生暮愁當年宋尚書廟
魏崇千秋丈夫苟逢時何必有大猷歎我學禹

貢胸中羅九州杖策空去來令人笑白頭嘗疑
伯顏策毋乃非令謀洪天錫神禹大道衍箕疇
五行有汨陳五事乃不脩繇隄日以興百川失
其繇不見徐房間黃河載高丘

沛縣

泗水抱城堙東去日潏潏豐沛至今存漢事已
千春嗟我亦何爲獨歎往來頻封侯不可期白
日坐沈淪每見沛父老旅行泗水濱鷄犬如昨
日此亦非昔民空傳泗水亭井邑疑未真城外

綠楊柳高帘懸風塵猶有賣酒家王媪幾世親
高廟神靈在英雄却笑人

徐州同朱進士登子房山

入舟忽不樂呼侶登崇丘子房信高士祠處亦
清幽俯視徐州城黃河映帶流青山如環抱一
髮懸孤州河流口侵齧森森洞庭秋烏犬爭處
人岡隴多髑髏使者沈白馬守臣記黃樓嘆我
亦何爲空爾生百憂生民隨大運孰能知其繇
視此名邦舊懷古思悠悠壹自徐偃王獨有青

山留劉項亦何在子房空運籌但從赤松子不
用待封侯

自徐州至呂梁述水勢大略

黃河漫徐方原野層波生萬人化爲魚凜然餘
孤城僅見沮洳間檐楹半頽傾日月照蛟室風
波棲颯眠侵薄連羣山浩蕩燁霞明山迴時復
圓盃盞涵光晶忽然覩開豁天末翠黛橫此來
頓覺異日在江湖行呂梁遂安流泯泯無水聲
狼牙沒深沈一夜走長鯨三洪坐失險蛟龍不

歷代詩選 明歸隱 九
能爭乃知房村間尚未得瀉傾如人有疾病腹
堅中膨脝空役數萬人績用何年成

早渡楊子江

早到瓜州渡扶桑日始出天地開鴻洞風波靜
不激金山獨靚麗暉暉映旭日綠樹間紅祠新
粧畫歷歷羣峰擁水氣空明含翠嶽蒸然白雲
浮翠袖有動色春來浦子口紛紛方雨雪驅馳
在北土于今已五月我本江南人南還乃故業
木偶與土偶人世何足述

途中悼內

憶昔事遠遊何嘗憂別離不自愛斯須謂當百
年期寧知有今日抱恨此天涯白鶴雙雙飛使
我心摧悲魯山常崔嵬魯水如昔時空憐今夜
月不復照相思

其二

丈夫各有爲吾非兒女情死生代所有念子非
世人高山與流水今世誰能聽自我久行役何
日無歸心每念復黯然涕淚常滿膺有時靜閉

日家鄉路分明月色照羅幃小步尚盈盈見我
遠還歸出門來相迎

春寒

勾芒不受職玄冥司春節雨雪自深冬開歲無
時歎草木失光輝厚地闕芽茁西池山茶花歲
歲開臘月至今怯寒威繁蘂藏綠葉昨日一花
開鮮紅方映雪哀哉枝頭鳥毛羽苦摧折何曾
見春陽空爾弄凋晰梅花謬先春此時猶重發
幽居臨園池靜坐觀羣物天運苟不至豈惟吾

生拙

自游虞還阻風夜泊明日途次有作

百里見青山言旋信非易風波仍水宿龍蛇夜
夜居明發尤慘澹川途尚脩紆水駛凌方約雲
寒日未舒彌亘多芳草寂歷少畋漁寒光冒明
湖朔風轉高墟舊事成往跡餘生惟讀書古人
不可見歲暮安所知

壬戌南還作

自出皇都門菜水明可掬高風搏羊角飛沙旋

霧縠乘快得順流
迥行猶轉轆長河
亘千里迴溪每九曲
時序值暮春光景
信明淑市邑臨水
折岬柳新水沫欲
問北州故但以南
期促同行近百艘
晨夕相追逐掛席
鴈翅接轉櫂魚尾
續長聞夜集喧又
見風排簇所遇皆
南金胡爲棄荆玉
非有彈冠慶相呼
入山麓

其二

半月困漳衛今日
望鄒嶧景風時迎
舟積水不盈尺行
路日淹留歸思愈
急迫昔往肩飛雪
今

來見秀麥蘊抱無
經綸徒旅空絡繹
西苑方呈鬼東郡
亦再鯽番禺有假
號建州乃充斥奈
何唐堯朝不用賈
生策玄文故幽處
卮蠟益潤澤天命
苟無常人生寔多
僻去去勿復言牧
豕在大澤

淮上作

長淮餞落日圓光
正如赭傾紅注流
波殊景不可寫滄
水自西流黃河從
北下併合向東行
終年無停瀉哀此
千里客春至復已
夏獨立空惆

帳所與晤言寡

寶應縣阻風

夜泊淮陰城蚤向淮南路
 理權逢西風猖狂恣
 號怒清河千里中東風
 日相誤祈此一日風終
 竟不可遇蒼天豈有心
 莫可詰其故但看北去
 舟凌風如飛渡翻爲去人
 快頓忘吾所務森森
 湖波深今日何可渡

淮陰舟中晚坐述懷

清浦輕風渡赤日微雲遮
 昨問地橋履今卽下
 邳街淮酒市醺醖楚音雜
 琵琶二麥吐新穗百
 草敷繁葩紛披盈廣陌
 離糝被平沙寂寂坐向
 晚悠悠思轉加先皇昔在
 宥世道尚亨嘉朝廷
 制作盛公卿議禮譁庶僚
 或登庸諸生多起家
 蹇拙遭時廢荏苒謝年華
 不得寄一命空慙讀
 五車迨平鴻羽漸幾將龍
 馭遐躔有青雲望奈
 何白髮鬢黽勉小縣吏奔
 走大府衙循已常黥
 黯看人方呀呀何地棲鸞
 鳳並處混龍蛇世途
 行益畏吾生固有涯萬事
 已如此一官豈足賒

行矣歸去來莫使微名污平泉記草木寢丘任
菑畲補亡綴狸首考古注君牙期以餘日月方
將檻雲霞自是性所適良非爲世誇苟無媿尼
父或可俟侯芭

感興

昔日柴公子家富埒侯王一朝棄妻兒被髮入
武當青松以爲餐白露以爲漿天空無疑碍往
來得自將近者入峨嶒雲山杳茫茫吾乃世間
人慨慕徒徬徨

隆慶己巳赴京寓城西報國寺贈宇上人
慈宮崇象教構此絕華炫深巖闕香火危峻瞰
郊甸鬱鬱蚪松枝低壓遶廣殿當年帝舅親削
髮住茲院說經老龍聽出手五獅現曾聞長老
言天雨曼陀遍吾識宇上人頭陀今突弁脩容
冥法相妙悟在論讚導我畫廊行指示兩方變
晨起供清茗時共禪悅飯我老欲歸去世事今
已倦當結塵外緣山中儻相見

邢州叙述

爲令旣不卒稍遷佐邢州雖稱三輔近不異湘
水投過家葺先廬決意返田疇所以泣岐路進
止不自繇亦復戀微祿傲裝戒行舟行行到齊
魯園花開石榴捨舟遵廣陸梨棗列道周始見
栽苜蓿人郡問驂騑維當撫彫瘵天馬不可求
閭閻省徵召上下無怨尤汝南多名士太守稱
賢侯戴星理民政宣風達皇猷郡務日稀簡吾
得藉餘休閉門少將迎古書得較讎自能容吏
隱退食每優游但負平生志莫分聖世憂竚待

河水泮稅駕歸林丘

借馮太守於黃寺與諸友讌集有作

曠志困拘囚茲遊得邂逅君子樂愷悌清談勝
金奏古剝餘歲衲新臺敞華構山高厲寒威栢
老鬱蒼秀圓沼象辟雍靈泉向奔溜雖無荷花
賞嶺雪良可耐

余表兄濺山大叅出自在居士墨竹索題
奉常余之外高祖儒雅風流絕近古少年侍直
承明廬重瞳屢回加慰拊玉堂無事只寫竹影

落縑緗生風雨翠葉蒼筠消人間凌海越嶠爭
購取吾家寶藏三大軸其一今在尚書府二幅
飜飛入島夷神物化去不可覩吾兄安得此尺
素干縉不吝售海賈盛夏張之紫薇省涼氣歛
忽過堂廡劃然北壁開戶牖雨勢欲滴風披舞
此時靜坐亦何有滿眼不復生塵土湘妃帝子
對之泣藐孤神人誰與伍吾兄好畫識畫意余
方潦倒困蓬戶墨竹昔稱李夫人湖州孟端皆
堪譜高人自有千載名世上兒子何足數作詩
題竹非爲竹俯仰自覺吾心苦東坡先生豈浪
語知我之兄惟老可

苦寒

十月飛雪滿邢臺經旬凍雪猶皚皚客子無衣
愁卒歲日中市薪暮不回爲乞主人枯楊樹便
燒楮拙勝玫瑰織女苦寒但叉手園葵歲晚未
可栽江南日暖食有魚好彈長鋏歸去來

甫里天隨寺

偶過白蓮院爲尋綠鴨池僧開重罨戶人到鳥

驚枝斜日半庭雨清風數卷詩空門住遺像千載爾為思

甲寅十月紀事

滄海洪波蹙蠻夷竟歲屯羽書交郡國烽火接吳門雲結殘兵氣潮添戰血痕因歌祈父什流淚不堪論

其二

經過兵燹後焦土遍江村滿道豺狼跡誰家鷄犬存寒風吹白日鬼火亂黃昏何自征科吏猶

然復到門

鄔駙馬於登春坊敝寓同諸友宴集

上客天邊至高情世外長草連平野綠花帶沁園香温樹無言對吳醪盡日甞不知醉歸後還復夢長楊

乙卯冬留別安亭諸友

黽勉復行役殷勤感故知悠悠寒水上獵獵朔風吹彈雀人多笑屠龍世久嗤往來誠數數公等得無疑

繚絲燈次西涯韻

聖朝威德務懷柔萬里滇南北內州邛竹當年
通市易寶燈今日盛傳流燹人技巧新曾見織
女功庸久未酬却憶當年李學士玉堂金馬坐
淹留

送友人之婁塘次韻

負笈還從海上遊鳥鳴伐木自相求天涯草色
年年綠春水桃花事事幽清霽樓臺觀蜃氣晦
冥風雨聽龍愁明朝我亦西湖去莫惜音書到

角頭

土巳日晚泊桑園次俞宜黃韻

三月長安春事繁桃花千葉李花單掖垣裊裊
多楊柳宮草萋萋似蕙蘭帝子屬車臨霸水佳
人跼屣印晴灘微臣獨向長沙路坐對孤燈夜
既闌

鄭家口夜泊次俞宜黃韻因懷計偕諸公

飛沙竟日少光輝浪急風高月色微為憶含桃
催物候尚淹行李未春歸吳歌獨自彈長鈇楚

製堪憐着短衣來往常經鄭家口當時同伴共
來稀

送沈伯庸僉憲之任荆湖

追懽未得蹙徘徊此去荆湖幾日回明月自通
巫峽好清樽還向洞庭開秋風木葉旌旗靜春
雨桃花谿洞來莫訝使君能漫浪太平何事畫
雲臺

宋康王乘龍渡河

大漠風悲青蓋遙七陵煙雨暮蕭條康王若得

真龍馭肯向錢塘問海潮

春海

贈同年許太史使朝鮮還

東夷鄉化歲年深太史新將詔命臨旌旆近看
過鴨綠文章先已到鷄林

送友人讀書玄墓山

鄧尉山前古佛宮湖波萬頃貯羣峰欲尋老子
當年處五杏參天寶殿東

郭把總營中

日看雲飛東海來天空孤壘戍門開夜中風雨

歷代詩選 明歸然父
九堪畏更羨將軍浪裏回

偶成

推山調達自相加
滿眼婆提與夜叉
爲愛如來深法座
飛來箭鏃是蓮花

隆慶二年朝京師南還與宣平俞宜黃武

進陸太學同舟題贈

褰幃初識龔黃面
傾蓋尋參李郭舟
去路不知春欲暮
桃花飛盡過揚州

庚申中秋子敬聞余往東海時有小疾不

石倉十二代詩選
得相從作詩送行十五日宿天妃宮風

雨不寐因懷子敬作

海天樓閣近瀛洲
秋水憐君不共舟
長夜波濤亂風雨
軒中清夢定來遊

石倉十二代詩選

明六集卷六十 終

六集卷六十一

追風雨神中

春欲來由不難

庚子年

庚子年

石倉十二代詩選

六集卷六十一

陳氏遺編

陳源清 字孟揚 閩縣人 舉人

登法雨樓和趙穆父壁上韻却寄帶交

極目平蕪意渺然 梵宮樓閣暮春天 空江烟樹

交漁市遠岼雲山 抱佛筵書渚莫尋殷羨信 刻

谿難問子猷 船良宵故事閒 追憶聊借蒲團一

醉眠 夢首箭 殊明 容發 吳 嶽 峻 玉 風 浦 煙 夢

初至如臯齋舍 何 賦 畫 圖 筆 紙 笑 寄 露 華

歷代詩選
寂寂空齋夜欲闌明河如晝雁聲殘芙蓉霜落
驚歸夢首蓓秋肥飽客餐吳地過江風漸勁楚
天臨海氣偏寒匣中鐵硯頑生繡羞向傷人試
短翰
目答文徵明秀才
每從白馬望吳門天塹長江隔夢魂縞帶交情
惟汝在練褰書法好誰論支硎鶴去雲千片茂
苑花飛水一村何日黃金祠賈島玉蘭花下酌
清尊
六集卷六十一

寄王履約秀才

四海茫茫有隱憂儒官頭白久淹留漫言當路
輕馮衍却嘆旁人笑馬周水漲石湖青雀舫花
殘姑浦白蘋洲相思靜倚青壇冷強飲空庭夕
漏秋

女媧鄭君以解元領薦兒子柯與仝榜報

至志喜

篝燈深夜獨熒熒潦倒儒官腐一經天馬頓令
羈北苑海鷗應已化南溟蕭郎自昔能乘鳳孔

鯉如今解過庭總爲浮名徒擾擾狂夫把酒醉
還醒

陳

柯

字君則江西
布政司參政

後園全崔山人賦

烟水娛春晝投閒稱野情冥鴻冒雨至芳艸向
人生曲巷客迴轡寒流吾濯纓千秋自寥廓竿
笠且尋盟

其二

乾坤長莽莽一壑卽蓬壺傲世憐之子開懷應

屬余閒雲深樹密夜月小池孤自愧才偏拙明
時計轉迂

送崔山人歸長興兼答徐子與年丈

松桂空山久宋寥雙魚書寄思怱怱偶因送客
臨官道却爲懷人立野橋姚嶺美材皆竹箭畫
谿春色憶蘭苕建安七子今重見上應星文是
斗杓

贈俞將軍

檠戟營門夏有霜將軍威德在南荒喜看挂印

傳丹券曾與同衣裹箭瘡納款夷人歸郟曲獻
俘天子坐明堂七閩生齒重生日鐘鼓彤弓
出上方

迴波引和答陳雙山傅丁戊

洛浦仙妃乘白雲行厨長自供元君三千弱水
黃昏後來到人間夜未分

送傅山人遠遊

朝過嵩丘暮九疑新銜天上白雲司只容痛飲
中山酒醒看仙人一局棋

陳鳳鳴

字時應光
祿寺監事

獨遊西山奉寄陳履吉陳汝大二君

雨霽春明起杖藜深秋爽氣帝城西出門漸覺
紅塵隔轉徑還愁碧艸迷山勢北來陵寢近河
聲東繞海門低幽人何處相畱待岩壁千尋水
一溪

其二

貂裘半敝薊門霜聊且登臨到上方秦岱寧須
懸馬足井陘端自度羊腸虹霓架壑垂秋色鵝

鵲盤空下夕陽古柘千尋潭百尺小窗奇絕碧
崑房

其三

五丁新斲玉芙蓉紫柏丹楓列萬重上洞客迷
中洞路南崑僧禮北岩鐘塞雲忽凍收殘照山
雨生寒欲早冬撫景懷人徒極目杖藜閒倚寺
門松

其四

芙蓉殿廢石縱橫繡壁流泉湛一泓仙去丹鑪

留夜月僧來錫杖挂秋聲華夷隔斷關河壯燕
趙毘連界限明翠色逼人寒氣集芰荷衣上白
雲生

其五

玉泉迴合亂峰青傳得先皇舊藏經護法龍
歸山宋宋隨堂猿去晝冥冥朔風寒度居庸雪
紫氣光浮帝座星携得一尊長引滿夜闌猶
自步階庭

其六

罡風高擁衆星浮
手挽銀河欲倒流
或有畸人在空谷
忽飛玄鶴過丹丘
百年洞壑如今夕
萬古乾坤渺一漚
烟水茫茫倍惆悵
可憐明月碧山秋

陳汝脩

字長吉光
祿長子

山中曉起謝主人

霜降曉鐘清
落月光庭戶
萬木澄肅氣
棲鴉動微羽
寂寂孤村火
渺渺前谿路
主翁不遑處
旅客感所遇
累世惟躬耕
舉室無俗務
亦有書可

讀略得句中趣
亦有琴可彈
何妨指下誤
時清日似年
地靜心能素
嗟予城市人
安得長相聚

感懷

涇渭本同源
一清一以濁
涇水魚尋丈
渭水不盈握
聖人母庶類
不肯事瑯琊
道心順自然
物性安所樂
嗟彼察察人
百世長齷齪

又

龜不挾風雨
曳尾而長年
鳩不知戊巳
七子何踰躑
造物無盈虧
達者觀其全
鹿裘行帶縑
中

懷嘗坦然

又

杖策東郭門田疇綠委委人生自食力柰何名
與利殺身為他人往往誇聖智麟鳳自翱翔王
者指為瑞牛馬窮筋力庖人醴為哉

今日良宴會

人生行樂易難得良友生但言置斗酒酒中無
限情今日復何日肝膽為君傾我歌玉壺缺君
舞繡茵橫丹霞射疎牖條風動飛薨彼美西方
人舉酌萬感并非蘭豈芳獲匪石徒堅貞塵世
只如此寧與造物爭對君我心寫百醉不辭醒

題鄭承武誌傳後

西風颯秋夕蕭蕭庭樹聲暮年易興感况乃懷
友生豈徒為友生骨肉如弟兄吁嗟鄭夫子沒
來歲幾更遺文不可見壯志無所成何以十餘
載事事關人情天馬躡虛空是君才縱橫寶劍
光陸離是君貌崢嶸宛彼瑤草春君文吐華英
蒼然卞山玉君德抱堅貞乃如之人兮造物何

不平生不寄一命死徒存令名故此感人心悲
歎多哀情知君子最早肝膽相為傾思君匪朝
夕淚下神骨驚疇能繼君志勗哉子諸甥

曝書

少年負壯志讀誦輕五車冥心扶玄理不欲啜
其華蹉跎如今日開卷惟咨嗟神爽日以邈世
氛日以譁遺忘什八九繆戾常交加臨文心想
濫徵事歲月賒垂老能細讀古人母乃夸似予
嬾且拙苟免身無瑕一篇酒德頌醉看木樨花

滄江

滄江秋晚衆木幽白雲停空江水流民生豈得
長稱意美酒難滿千斛舟濯纓人去波文靜中
夜不眠酒復醒隔浦女兒唱竹枝驚起沙鷗水
中影

送馬元閣之蜀

携酒城西門日落天氣昏金風颯颯野草黃行
人下馬舉離觴眼前有路羊腸曲何況崎嶇蜀
道長蜀道高懸接霄漢君身豈能生羽翰瞿塘

唐代詩選
之水瀉銀河湧地粘天波勢亂多君氣壯行色
驕浩歌拍手聲囂囂手挽玄雲心愈定身跨赤
豹魂不搖勸君酒和君詩丈夫感歎非別離似
君才華尚落拓路傍裘馬五陵兒

枕麴吟

酌君酒爲君歌人生大醉能幾何莫誇琥珀金
叵羅飲無君輩曷足多朝千鐘暮百斛醉醒顛
倒朱顏醜我本無懷之苗裔乾坤浩蕩無偏頗
唐虞授受不忍見安知有弑伐之干戈把盞大
笑看戲場推出蝸角東邊丘與軻我且醉眠君
柰何

吁嗟行

吁嗟世道薄秋雲朝顏夕陌徒紛紛雀羅在戶
橐無金區區青史安足云我有美酒白如玉人
生痛飲意已足醉眼模糊不辨人笑看槐影窗
前綠

朱魚翁

賣朱魚朱魚大如指瓦盆挑入朱門裏賣魚買

歷代詩選 卷之九
酒醉忘歸誤放朱魚古井水鄉隣相勸莫咨嗟
幸無官稅到君家不見江頭漁戶苦朝入風濤
暮官府破網離披寒蓋身里胥索錢怒如虎

過黃君薦山齋

屋角掛新月我來神轉清空山秋雁影高柳暮
蟬聲葉几消長夜匏尊稱野情吁嗟今不樂白
髮漸相生

獨酌

庭際風聲急斜陽霜葉丹有懷長痛飲無侶亦

成歡黃鵠起秋色悲蛩生暮寒美人空悵望
首白雲端

又

今年政四十宋莫久無聞笑指尊中酒相知獨
有君敗荷香暮靄脩竹裊斜曛散帙風吹亂呼
兒較典墳

又

引滿復長歎庭前月影斜孤尊長永世一研媿
承家帶露落梧葉經秋無菊花西方人自遠蕭

歷代詩選
明陳氏選
十九
索怨天涯

夜至孫子長山齋

空山明月靜宿鳥夜驚呼葉地履聲亂霜林燭
影孤叢崑懸墜石野水漫平蕪梅信今季早憑
君借一區香暮濕餘竹葉冷灑清風如扇判
公手送洪玄度之金陵
芳草碧悠悠輕車道阻脩言從今日別與子一
登樓風雨孝陵暮山川淮水秋誰能堪共醉無
事賦新愁

雙澗夾山色尊罍就淺莎雲留衣上薄花壓擔

頭多樹影坐猿狖泉聲咽薜蘿年來遊興懶隔
歲始經過

白雲洞

徑轉人疑墮烟深路欲遮危峰挂星漢古洞走
龍蛇積露蒸初日枯藤鈎落花可憐一尊酒相
對煮芹芽

洪一禪喜齋

歷代詩選

月東氏書編

六集卷六

上

十

歷代詩選 卷之六十一
三車繞法雲池影碧紛紛萬木橫秋氣孤亭歛
夕曛經聲龍出聽墨汁水成紋勝地堪棲託天
心獨縱君

送朱君聘貢入成均
鶯聲嬌上苑君去莫遲回霽谷交新綠空江漲
湫澗石經閒作字玉管靜飛灰一聖主知名姓
題花簇錦開

雙隴雨

潤瀝何凄宋曾無一刻晴孤尊寄旬朔佳節過

清明古木暮雲亂寒塘春水平却聞遼左警
天語詔徵兵

彭城懷古

津頭凍折水紋生淮泗雙流鎖古城土蝕空臺
荒艸亂田耕遺壘暮陰平殘雲散作烏騅影驟
雨吹寒玉斗聲銷歇興亡千古夢當年豎子漫
成名

集鄭叔御後園

玉宇空明昨夜霜檀園脩竹浸方塘笛聲度水

歷代詩選
明陳氏述
山光滿帆影臨窗野色荒十斛香醪堪永日一
枝殘菊淡斜陽不知歸騎催歸急猶向籬門再
舉觴

巳酉元日

心中喜懼自循環攬鏡朝來瘦舊顏百歲只圖
今歲樂四時爭得此時閒長與性拙身難達
首年高髮早斑細筭新春何事業囊中詩句不
曾刪

西湖雪霽

乍雪新晴靄夕暉平湖風起蕩寒威低徊崖影
沙鷗亂掩映波光塞雁飛人上斷橋維短棹僧
歸別院叩柴扉晶瑩霽色千峰白迸出流泉挂
翠微

題陳元凱画

萬壑晴烟繞草廬挂冠歸去爲鱸魚大江帆影
潮生後古寺鐘聲月落初倚檻獨唸謝朓句過
橋誰寄遠公書老來清興猶如昨閒寫溪藤數
尺餘

家信

屬望家書到卻疑高堂慈母髮如絲書中只說
愁多病未寄還勝寄到時
萬壑送哀無競
一燈殘夜雨濛濛歷亂閒愁逐轉蓬舉世蛾眉
消歇盡不堪人語妬深宮

大纛高懸裊落暉元戎置酒看分圍書生醉後
踈狂甚笑脫青袍試鐵衣

黃沙如雨草如煙刁斗聲中落月邊虎帳夜深
歌舞散胡姬十五解人憐

陳汝存

字太冲光祿公次子

擬古

日暮倚高樓春風怨楊柳樓上紅粉銷樓下青
苔厚含啼攀綠條柔枝折在手青青欲寄誰脉
脉凝眸久低頭有所思舉頭月當牖

元闇行日諸同社俱在祖道獨余病不能

送詩以別之

驅車當歲晏遊子欲何之
萬里旣云別一朝安
可期村雞啼曙月零露湛
朝曦驛路無青草征
囊亦素詩客愁添劔閣鄉
夢出峨眉雪暗雙龍
漈霜深一馬遲行行日以
遠去去淚如絲慷慨
酌杯酒殷勤借路岐君遊
憐索莫我病愧狂癡
瘦骨堪憔悴那能更別離

夜雨獨酌

颯颯寒風生淙淙寒雨落
飢雀喧枯梅木葉紛
相錯黯淡陰雲連冬氣苦
蕭索顆顆飛明珠玉
筋簷際濩幾陣舞迴飈餘
響振林薄驟來滅踈
鐘暫止聞鳴柝濺溜瀉前
楹浮漚歸小壑搖搖
燭影微舉杯不成酌悵悵
步中庭四顧何漠漠
安得掃太清頓令天地廓

和李白月下獨酌

我有千古情寥寥向誰寫
言携白玉壺酌此明
月下清風吹素襟冷然已
瀟灑舉杯忘勸酌明
月不須假小酌酩酊朱顏
大酌推玉山悠悠失年

歷代詩選
明陳良選
歲天地在壺間

一杯復一杯
杯杯如流水
杯亦盡
有時我興無窮
已
月色如有情
落我金尊裏
對月發長嘯
河清不可俟
吾將持蟹螯
醉舞襄陽市

送洪一之維揚

冷風起天末
八月秋氣清
晨興駕言邁
送我良友生
白露凋百艸
寒蛩深樹鳴
飛飛獨鳥沒
漠漠浮雲平
執手意不歡
當歌曲未成
丈夫四方

志詎懷兒女情
進酒勿復道
驅車重行行

送別鄭叔御

三月春水清
長堤綠已徧
如何遠別離
忽復異鄉縣
策馬西郊道
駐車城南隅
馬行看不迭
車駐良踟躕
颯颯江上風
離離江上雨
片帆日夕遙
渺渺迷烟樹
樹轉非故山
白雲不可攀
飛花點客袖
拂柳牽愁顏
愁送客無心
客將愁俱發
陽關三疊情
坐使芳悲歇

明妃怨

丹青初妬入宮時胡馬還驕辭漢日薄命都由
畫裏人一片愁心描不出愁心寄作絃上音撥
罷琵琶愁轉深妾貌可憐空似玉妾家何事乏
黃金
江上見月
江上見明月見月轉思家月色江流今古清江
風吹客客魂驚露下天空桂光濕月照寒江小
龍泣美人絃管自西樓明日相逢南陌頭

去婦詞

白日不相待妾貌須臾改容華盡有時妾心萬
古在丈夫論貌不論心倏忽桑田變滄海鸞鏡
堆將半匣塵榴棗六幅辭光彩憶年十五入君
堂玉作搔頭雲作裳瓊筵結綺連枝錦寶幄流
蘇百和香雲母屏前銀燭焰東風樓上繡襦長
繡襦銀燭云初度臨池雙影鴛鴦妬燕語鶯聲
春已深花落花開春已暮那知紅顏暗裏移那
知君恩漸非故一從失寵便得憎向來事事逢
君怒君怒君憐總妾身妾願白頭君愛新也道

凋零宜棄擲不言衰歇爲誰人

西湖泛月

落日湖光好高歌扣小舷月明沙際岼雲淨水
中天隔浦聞漁笛踈林隱暮烟姮娥如不妬直
到斗牛前雲母氣清風對上醜詩才
出塞曲
笳吹事行間旌旗擁別顏夢歸芳草路人度玉
門關野燒連烽起胡雲壓陣還黃龍今日戌夜
夜泣刀環

關塞郊行

郭外晴嵐柳外烟小橋斜徑綠芊芊桔槔風送
水流急門巷春深花欲燃的的翠條含遠樹飛
飛白鳥下平田村童野老行相語布穀聲中二
月天

病美人

慵窺寶鏡玉顏銷獨倚空牀蹴墜翹粉褪桃花
微有暈帶寬楊柳細無腰愁疑翠黛頰西子惱
是黃金怨阿嬌脉脉不言衾篔冷香魂欲斷爲

誰招

送薛四之武林

鶯歸客去路迢迢四月那堪折柳條春水帆檣
巖子瀨夕陽簫鼓伍胥潮鐘聲露咽傳三竺菱
唱風過隔六橋莫戀風流淹歲月暮蟬容易起
寒蛭

折楊柳

落紅如綺綠如茵楊柳青青倍損神
夢裏可憐關塞路望中那覺玉樓春
多情忍攬枝枝緒有

恨空含葉葉嘖憔悴折來翻自惜
寒衣知昔到何人

喜洪一禪喜齋

涼風吹樹蟬聲歇露湛天空夜色寒
明月照人拚共醉狂吟把酒笑相看
廿年壯氣知交久千古深情行路難
流水閒雲原不着對君空有說
加餐

秋夜曲

井梧吹葉落秋聲月照高樓憶遠情
淚盡焰中

紅蠟死腸迴機上錦文生寒蟿泣露心千里殘
角吟風夜五更夢裏分明見歸戍更聞龍騎出
西城

送馬元闇入蜀

歲暮風寒木葉多天涯爲客奈愁何空山疋馬
蕭蕭去極目歸鴻雪裏過

其二

朔風吹鬢欲黃昏客舍思鄉暗斷魂最是無情
霜後月三更峽上數聲猿

漫興

亂山斜日隱人家一片長天帶落霞行到水流
橋斷處幾枝疎影浸梅花

石倉十二代詩選

明六集卷六十一

歷代詩選

十二代詩選

六集卷六十二

石倉十二代詩選

六集卷六十二

岫雲集

大明

平陽呂陽著

後學曹學佺閱

出塞曲

禦虜無奇策出車有嘉兵天子重分闡大將事
 專征奉命出榆塞遠戍受降城神武貴不殺丈
 人利守貞屯田備軍餉作師奮王靈先聲已奪
 氣陰山無橫行北狄防已峻荒服界自明主威
 宣沙漠寂然瀚海清軍中日饗士擊鼓吹竽笙

歷代詩選

月五中

六集卷六十二

祥

歷代詩選
南仲朔方捷亞夫細柳營赫赫襄獫狁豈得獨
擅名爲道防邊吏慎勿展長纓

入塞曲

西北天驕子弄兵向雲中九重奮神武命我出
居庸三戰得三捷盡降陰山戎勒銘燕山石奏
凱明光宮天子時名見大宴錫彤弓男兒圖報
主豈望要膚功解却黃金印來歸河水東杯酒
酬知己相從訪赤松

怨歌行

一入長信宮不見君王面夙夜勞夢魂凝思在
蘭殿憶昔辭雕輦曾被非常眷而今逢拋擲有
如秋風扇自歎失良時豈敢含宿怨何以報深
恩延年壽億萬

夜度娘

天桃華放夜幽窗無語時相思兩行淚都洒向
南枝南枝灼灼紅最解嫁東風一片華飛去瀟
瀟故苑空

遊藐姑射山

歷代詩選
仙社
三
仗策遊西山迢迢上崔嵬岡巒列屏障溪澗隨
縈迴飛流三百丈倒瀉鳴轟雷騁目望石孔雲
霧鎖黃萊松聲出天表鸞鶴相徘徊振衣舒長
嘯扶搖萬里來隱隱見石洞朱門傍崑開中有
綽約人盈盈結聖胎肌膚瑩冰雪顏色生昭回
手把白羽扇一麾淨氛埃向我啓玉齒謂我真
仙才及時謝世累同步凌虛臺

晚次新喻縣

夕陽照山色平蕪紫烟凝競渡喧歸客倦鳥還
高林暝色自空來澗谷皆已昏投足安所適且
以依前村須臾吐山月衆星光燐燐飛梟鳴南
枝夜猿啼斷垣對此殊無聊中心裂以崩落日
不可挽幽陽不可屏撫膺長太息坐待東方明

天馬歌

元鼎之間漢道昌四夷莫敢不來王大宛時生
蒲稍馬遠歷西極獻闕下滿身攢就五花紋赤
汗流霑如血赭長嘶咆哮入青雲盡壓天廐空
馬羣天生駿骨歸有德伯樂從來未見聞翩翩

逸氣善追風口吐光芒映日紅躡電行雲纒慌
惚驚矯躡躍真飛龍我皇神武奮遐荒當揆
文教陳天常微臣敬上天馬頌願君歸馬華山
陽
有所思

昔日侍寢漢宮春自侍蛾眉不讓人如今棄置
長門裏香奩寶鑑埋芳塵妾身自比白玉玦與
君雜佩相交結誰知一旦點青蠅遂使恩情中
道絕長門一步地間隔若千里愁橫燕臺雲心
飛沙谷水偶見流雲返故山凝思君寵儻中還
當時賜我六珠環耳畔常如見聖顏悠悠兮蒼
天不知重聚首今是何年長夜思君獨不見且
將離恨寄冰絃

東門行

出東門臨路岐翩翩白馬當風嘶廡中有餘粟
架上多餘衣君今出門去勿爲內顧悲自古男
兒志四方何事區區戀蕙帷有莘耕隴畝涓濱
守釣磯不遇湯文幣聘來終身老死成沈泥君

懷經濟畧世當離亂時救民出水火一身繫安
危惟願功成卽身退毋令賤妾歌屢屢

尋藐姑射山蓮花洞

久慕仙人洞今尋鹿女谿只因幽境遠遂被亂
峰迷著屐登山徑穿雲辨草谿仙蹤諒不遠仿
彿報天雞

天不螺川秋夜

搖落秋江上蒼波深復深露零歌蔓草風靜鼓
瑤琴感我他鄉夢懷君此夜心佳期在何許愁

絕晚楓林

絕晚宿函谷關

迢遞東京路重關險自多地偏同紫塞天塹有
黃河鼓動人猶息雞鳴客未過聖朝寬法網
莫問夜如何

別彭簡菴舍人

話別陽關道迢迢心曲違九江秋水至萬里暮
雲飛客去先投牽途寒復授衣不須折楊柳離
思正依依

山居秋夕有懷

秋色動林端幽人坐夜闌風高猿嘯遠山靜月光寒
湛露零階艸高梧落井欄伊人在何許雲海自漫漫

雨中携妓遊飛泉峽

羣峰深鎖暗朝暉仗策時來陟翠微問渡爲登瀑布岸
探奇任濕薜蘿衣數聲重溜隨風度一派懸泉帶雨飛
想是行雲人入夢盈盈自向峽

中歸

千里人日喜裴庸甫至自西河
一別俄驚歲序新歸來應已厭風塵物華可對杯中物
人日難逢社裏人金縷歌邀玄洞月瓊花勝剪絳都春
與君沈醉同高卧任取東風吹角巾

秋懷

流滯東南水一涯涵虛樓上望京華江邊落日埋烟樹
天際歸舟送落霞愁髮已隨秋色改幽情空對月光斜
長安北望何嗟及腸斷那堪點

歷代詩選
卷之六
暮鴉

送王南洲虞部之金陵

天風吹送木蘭舟，長挂雲帆事勝遊。
少府才名高北斗，水曹勲望屬南洲。
芙蓉花發石城早，鴻雁聲寒澤國秋。
此去鐘山重回首，金陵原是帝王州。

王州

中秋義昌驛樓懷弟子玉

周南長日嘆淹留，歷盡風塵已倦遊。
池草那堪千里望，月華應負一年秋。
不臨夏屋來清夢，偏

爲征人照別愁。此夕登樓空極目，無邊洛水自悠悠。

寄湖南毛我山使君

清秋搖落歎離居，千里空傳尺素書。
顧我欲隨彭蠡雁，知君不食武昌魚。
蕭疎音問三湘外，荏苒風塵四載餘。
汾水漢江成永隔，西風回首憶飛車。

寄陳襄陽子序

曾與佳人賦四愁，別來相隔楚江秋。
峴山有淚

因誰墮漢水無情祗自流
明月幾勞關塞夢
雪天誰泛剡溪舟
何時得踐西州約
同坐盤陀話舊遊

七夕閨思

秋來眉黛日長顰
懶向江頭采白蘋
清夜啼烏驚夢斷
西風殘柳繫愁新
玉簫聲咽秦樓月
羅韞波寒洛水塵
彈罷箜篌渾不語
羞看織女度天津

塞上曲

紫塞秋高白雁鳴
雝雝簫鼓沸邊城
單于歸款渾無事
細柳營中醉月明

明妃曲

明妃出塞遠和親
怨入琵琶調轉新
馬上不須回首望
承恩自有漢宮人

出京別友

自取浮名誤此身
十年今始出風塵
多情惟有長堤柳
春色青青解送人

春夜客中聞雁

歷代詩選
明倫彙編
微徵新月暗江天漂泊東南萬里船歸雁一聲
鄉思起無邊春水漲螺川

六集卷六十二終

石倉十二代詩選

六集卷六十三

去陳集

大明

長治栗應麟著

後學曹學佺閱

紫騮馬

絕地飛龍種旋風赤錦毛幾年離大宛千里躡
驚颯白玉垂鞭娘黃金絡首高乘秋赴邊急汗
血不知勞

雨夜泊舟天津答劉笏山民部時駕幸承

天

歷代詩選
明倫彙編
急雨危檣夜孤舟
溟海涯風濤驚宦轍
雲漢憶仙槎
故國含情遠
殘燈照影斜
翠華在天未遷
客敢言家

平原道中

落葉空林暮
平蕪四望齊
鄉心隨雁遠
野日傷人低
霖潦開新渡
田園沒舊畦
迴車聊問俗
延佇古河西

秋日送謝茂秦赴晉陽故人之招

盍簪方宴晤
引轡復西遊
月轉汾陽夜
風生晉水秋
詩名隨去住
客計任淹留
心在浮雲外
飄然不繫舟

中嶽

嵩高惟嶽極
中天太少虛
明日月懸秦
時艸荒遺虎跡
漢宮林合隱
龍眠仰觀已
見三垣近
周覽還知四岳偏
靈氣不隨滄海變
歲時膏澤在桑田

海市

氤氳海市結扶桑
萬里雲生五色光
鮫室有人

爭獻錦龍津無物不呈祥樓臺恍若開金闕
幢蓋虛疑捧玉皇塵世浮沈渾似此繁華轉盼已
蒼涼

宿西林禪房

十年奔走願多違幾度臨風欲拂衣未入化城
猶有象纒聆空梵已忘機雲間樹色藏金界花
外鐘聲落翠微日暮長天飛鳥盡滿山明月一
僧歸

將築北長城關游擊茹隆先有黃峽口之

警遠巡未果而廢將呂仲良慷慨任之

春三時報竣千載永圖

萬玉危城接大堤遠從天外入雲梯匈奴不敢
侵河內南仲應知在朔西老騎臨風仍奮迅傷
禽見月幾驚棲雄圖永奠金湯固勲業遙看宇
宙齊

送吳將軍鎮守榆塞

聞說嫖姚拔漢圍將軍雄畧更神威登壇殺氣
橫金印掣劒寒光徧鐵衣塞馬力隨秋艸盡胡

歷代詩選 明嘉靖年
三
離魂逐夜雲飛
貔貅十萬吞沙漠
直擣樓蘭奏
凱歸

西歸途中寄夏城撫鎮諸公二章

羽扇麾營出塞垣
曾驅十萬破天山
寒帷虎口飛雲外
秣馬龍荒落日間
虜氣全消三百敵
君恩獨放一身閒
逡巡遠向沙場別
滿塞春聲夜入關

春日登楊貴妃梳妝廢樓

歌樓百尺鎖春山
風景依然指顧間
翠輦不來

芳艸合青鸞飛去
絲雲間

其武興武營暮春感懷

邊雲漠漠點征衣
飲馬長城悵未歸
春色不堪愁裏盡
楊花又向客中飛

秋日行邊

征輅遠度玉關秋
絕傲浮雲天盡頭
日暮荒原寒骨徧
邊人生怕說封侯

栗應宏

字道甫
麟之弟

漳水贈別楊啓明大行

言餞漳河水携手各恟惶漳水有清濁澼澼隨
波揚清流浩無涯濁水濡子裳褰裳上河干駕
言適太行山坂多詰屈道路兩茫茫茫茫何所
有松柏鬱重岡香花因風發附薦蒙其芳物理
貴有託所願隨君翔惜哉鳴鳳翼徒爾識冰霜

雜詩

驅車出秋郊禾黍倏以黃鳴蜩喧我側野鳥棲
其旁悵望陟高隴烟樹鬱蒼茫荒塚何累累遊
子渡河梁人生如遠行前路安可量白日當空

麗奄忽入陰涼呼朋酌斗酒百慮除我腸

上慧遠擲筆臺作

暑氣臨初伏朱陽競晷晏窈窕幽尋岩堯爽
高盼飄飄雁門生棲棲太行棧謁師悟因緣投
毫咒諸患法色凌孤岑空想澄虛澗神理無靈
豁道紀有乖贖緬彼白舍侶何如青蓮瓣翻經
期已愆擲筆理仍間勞歌渡丹流歡賞拾紫莧
悠哉祇林棲嗟爾浮雲幻

紫團山中歌

歷代詩選
五龍曉發寒松阡紫團之山如上天懸厓曲磴
行且顛太行王屋相鉤連山中有木石有泉岩
花亂落流涓涓忽聞打麥無人烟松門華徑何
幽緣秋風吹人古寺邊寒霞萬壑飢虹眠五葉
靈參根正鮮二仙祠在青雲巔子欲居之離市
廛子能服之可長年西山有鶴東有鶻鶻飛奉
拳鶴翩翩子欲知此觀何篇衆同寶訣南華玄
讀罷還當逢僊佺

僧房同遲生飲酣令子信口作歌

冉冉十月歲將暮淅淅寒風在高樹白雪黃雲
時欲垂鴻雁鴛鴦各南去此時荏苒携樽來寒
花照月僧房開右軍欲棲支遁舍謝客亦上翻
經臺竹亭先生頗好鶩跨鶴南來爾何慕一劍
時爲訪古遊三杯能令紅顏住醉狂大叫筆欲
飛垂芒八角來山屏神驚鬼哭動四座兀然不
識鍾與韋竹亭子太行生悠悠此世如浮萍何
况歡遊不易得共斟美酒能無情僧房火紅琥
珀色香厨月盈琉璃側逍遙疑到無何鄉醅酌

歷代詩選 明 吳 道 甫
真同極樂國君不見王生醉記稱酒神陶公賦
詩尤絕倫與君各有四海志眼中茫然獨何事

仙堂行贈襄垣令

石門水洞藏仙堂烟霞逶迤連太行山邊涇水
河泐泐東流幾里會交漳銅鞮虜宮久宋莫桃
源溪谷常相當崔生舊事稱神異宵甯冥冥何
止此一從仙令飛雙鳧訪俗停舟耀山水窮巖
三月花爭明此時始識春風起白頭老翁看道
經雞犬那能有城市樂俗由來已返淳山中豈

必皆秦人

夷門歌贈田六

五月五日夷門遊夷山道中多古丘令人却憶
阮公嘯嗟爾豈但侯生儔汴中犢車飛素塵鬪
雞走馬簇如鱗玉津園外香風轉金良橋邊諸
戲陳白壁黃金買高醺此中誰是賢豪彥落霞
只在青樓頭微風亦起黃河岍黃河岍邊古時
囿與君茫然各回首白日松庭走壁魚青苔石
溜眠科斗逢人且看梁園花請君莫折隋堤柳

隋柳青青當汴河南來一道風塵多揚州門外
何蕭索秋草千年沒綺羅其如孝王良好慕鄒
枚數子爭馳騫當時共作夷門遊至今人誦菟
園賦悲哉世事鳥過目忽與子輩同追逐浪跡
真成秉燭遊傷神豈效窮途哭人生百年無幾
時良時况少相逢期明朝一別各分手與君安
得不飲酒

柏谷山歌

柏谷山居太行上丹梯石壁懸青蘿玄武廟前

水流曲神農祠邊松柏多風洞泉亭何冥冥但
餘羽客相經過巖中茯苓大如斗赤白石脂代
瓊玖王子尋幽聊一逢嵇生綠薄那能有神奇
古文世所希素帖煌煌在誰手柏谷山人霹靂
才寒光萬壑烟霞開口持寶訣遊五嶽歸來結
屋翻經臺廬山形勝莫浪數彷彿或可當蓬萊
疑是仙人乘白鶴笑指玄香紛散落霞旌照耀
青雲流羽扇翩翩赤日却山花自飛還自發豈
識仙家多歲月桃源麻谷倘相求願作盧敖汗

漫遊

塞下曲

皇威連北漠胡運日寥寥玉帳靈符啓旄頭異
氣消元戎張鳥陣上將賜龍標欲取封侯賞寧
辭出塞遙

又

漢吏防秋日匈奴欲滅年陰山未燒州胡馬正
嘶邊射獵風圍合營屯月戍連將軍有李廣無
復慮幽燕

青蓮寺

蘭若香林裏幽棲與世違泉流穿佛殿雲色滿
僧衣陰壑寒猿嘯孤峰獨鳥飛應知許玄度耽
隱不能歸

一覽樓夜眺

微月照空林悠然傷我心人聲四壁靜夜色一
川陰野寺看燈遠山堂入霧深村邊歌吹發聽
罷更蕭森

謁李衛公祠時青羊盜

野殿蕭條甚孤村喪亂餘虜庭誰踐血山嶽舊
傳書白骨堆丘外黃金募士踈風霜猶失路流
涕欲何如

曲阜城外

迢遙尋古迹斜日徧荒萊路入防山外城邊泗
水隈林空沙鳥落人宋野棠開睿殿依然在誰
堪作賦才

遊燕西山

山川復幽秘蕭灑已忘歸別道通陰洞孤峰入

翠微巖花隨意落沙鳥向人飛醉覺浮雲起微
風吹苧衣

出京後旅次作

辭君出門去長嘯歸林丘漢苑春期後燕城古
渡畱垂竿江上嶼讀易山中樓寧似劉生輩酣
歌且浪遊

田六浚甫見過

吾過大梁墟誰從訪卜居河流萬井潤夷市百
花舒信是文侯國還逢田子車斑斑古風物辭

賦愧能書

俠客行

平生信陵識意氣屬相投走馬夷門市同心朱
亥儔千金不足惜一語重難留馳赴邯鄲急功
成何用酬
香山寺
法色敞招提空香處處迷曹谿一水曲瞿舍五
燈齊夕鉢藏龍影春沙印虎蹄何期踏芳艸靈
境得攀躋

慈恩寺閣別子業

繞寺花爭發嚶嚶禽始鳴客行晴日早野曠春
風生散騎通燕館歸途入晉程那堪雲樹外悵
望正含情

秋日漳野訪余龍山草堂

自來居鄭圃山遠路仍迷何意幽篁裏相從高
士棲冲情無滯跡妙理析玄倪偶愜清風起冷
然欲上躋

沙河行宮新城贈谷泉宿少府兄

皇居營北輔勝地偶經遊野沃周原廡山藏漢
殿幽逢君六郡使供役五陵秋王事賢勞日憐
予羈旅愁

龍山別業卽事

葺屋空林伴翠微柴門無事柳依依隔年藥物
頻宜日近午茶烟欲上衣山郭歲時流水舊野
堂風雨到人稀興來獨步多尋賞爲問茅君理
息機

寄牛遜敏文子業

冀北霜寒雪欲垂并州西望使人悲誰堪旅食
經時久猶恐鄉書到客遲都柳折殘常怨別塞
禽飛盡尚多違山中此日應勞憶何處看花對
酒卮

贈海士人

碧眼看人值海公着衣持鉢見宗風野禽聽法
逢迎徧春艸無心坐卧同七十六年常自覺百
千萬劫湛然空待從函谷流沙去問爾恒河雪
嶺中

歷代詩選
功德寺及西海子
宣皇嘗幸臨有御植

松荷

北極龍飛福地來
千年重上軒轅臺
山從鷲嶺三乘度
野入襄城七聖回
玉殿深沉蒼翠合
金沙縹繞白蓮開
茲方化景光輝滿
舊日宸遊屬睿才

秋日燕中

燕地飛鴻日又多
清秋爲客益蹉跎
歸心正滯盧龍塞
愁緒渾如太液波
北闕兵書慚未上
西邊胡馬恐重過
凭高一望玄雲起
叢桂山中近若何

龍山中行漸及幽邃

晴巒遠近草烟濃
屨杖逍遙世外蹤
採藥偶然逢異境
看雲不意入羣峰
橋邊父老成黃石
山上仙翁是赤松
自覺漢陰機已息
茲遊麋鹿遂相從

旅夜

入夕飛鴻鳴寥寥
不可聽風聲動楚客
月色空

秦箏

秋夕禪林

宗宗林景暮道遙偶相值
跏坐各無言月映寒潭色

石倉十二代詩選

明六集卷六十三終

石倉十二代詩選

明六集卷六十四

律選

大明

龍溪金 鉉著
候官曹學佺閱

宿留雲洞用丁少鶴韻

天際何年洞清尊兩夕留月於人獨媚雲與客
相求泉石吾兼癖山川此可休閒身幸未老雙
屐擬重遊

登水口至黃田次壁間韻

秋途當曉霽重嶺度危岑
古道入經少荒林木

歷代詩選
落深紅時開異朵綠偶見珍禽未答登臨興停
車且短吟

蒲高彥卿以詩因游宗振爲贄投余山中
次韻用酬兼報宗振

山齋長晏起午篆散清氛棋局看人世茶經比
帝墳冗無觴負月閒有筆裁雲莫問生涯拙窮
居媿 聖君

其二

海上君何往尋山訪敝廬詩篇投所好意氣信

予疎古道譚牙仲今人習耳餘誼高吾友在媿
負束來書

元夕陪李少白燕侍御李東師園亭得憐
字

亭榭芳春勝可憐相逢佳夕况尊前九霞乍映
雙池月千炬初回萬樹煙白社門生容此客滄
洲臺史舊稱仙索歸苦恨吳中士何日江湖更
結緣

江行卽事呈傅國毗用杜韻

他鄉隨我權江門舟過人家綠幾村
白日挂天千嶂曉玄風吹雨一溪昏
疎篷短袂孤兒淚寒枕殘燈獨客魂
去住兩心爭不定爲將山水夜深論

其二

歸思無計路行難十里江東兩日還
急雨負風衝白水雄雲挾霧漲青山
橫波獨艇昏猶擢曲旝重扉晝已關
幸有同心相對夜披襟且得破愁顏

公公三三更發舟爲避潮也

每羨宗生萬里風雄才誰復更如宗
枕邊柔櫓鳴無數夜裏奇峰過幾重
旋報狂潮千疊浪恰當蕭寺五更鐘
錢塘江上家多少一望長堤失舊踪

過嚴先生釣磯有感

馬上重噓再燄灰當時豈少伏波才
不知咄咄狂奴態寧爲沾沾諫議來
龍衮應非他日故羊裘合傍客星回
中興功業成何事祇說桐江有

釣臺

泛舟西湖

勝遊今日酒杯偏
隔絕幽期二十年
秋水自清天作鏡
晴風不動地爲船
如新孤月窺櫺
轉依舊羣峰夾
權還何必繁華
三月景野心長
共六橋懸

天竺寺

不辭芒屨去
寅緣道是林泉興
總偏蓋偃重陰
松九里昂分諸
勝竺三天齋僧
越客秋相問禮

寺吳姝莫
並還未必湖山
真長物衣冠此
地亦供禪

冬至

得携初服返山堂
歲序家人迺舉觴
歷十八年仍作客
逢冬至日倍思鄉
陽嘯病骨隨灰起
風引愁心與線長
不是不歸歸未得
漫從糕黍俗相將

岳王祠

金牌十二趣轅門
例拔精忠大將旛
自壞長城

歷代詩選
明金瓶
千萬里誰招沙漠一雙魂
死生朝市元臣節
俎豆春秋卽帝恩
獨使英雄傷往事
不堪哀淚灑乾坤

至太平驛

歷盡羊腸午及餐
太平有驛俯江間
百盤石磴依山轉
幾處人家隔岬看
樹樹好青清不厭
村村生事綠成團
長令海嶠民風舊
如此辛勤路未難

病中雜作

病從箕踞此山居
時對晴窓簡藥書
故國春風花發後
他鄉社日燕來初
背人節序去還去
誤客尊曩疎更疎
蚤晚得歸皮骨在
猶應不恠語
音殊

其二

鄉心旅思兩蹉跎
坐負春光九十過
夢醒高樓人獨遠
夜深孤枕雨偏多
語非同調如愁破
遊卽名山奈勝何
狂態縱饒詩興在
那從天地一酣歌

三月廿九日

輕衫初及試新羅纔惜殘春忽又過三月恰留
今日在東皇亦奈此時何豈傷急景宵偏短似
懃離愁雨獨多我病誰傾一尊酒總隨花事遲
庭柯

寄余宗漢

剖袂金陵動十年忽從鴻鴈尺書傳開緘風轉
蓬蒿徑對榻霞明薜荔篇世路爾應諳白眼生
涯吾已信華顛相看曾有壺山老何日追攀一

惘然

次韻酬柯堯叟

如此清時可解冠總知狂士漫爲官碧應宮柳
醉春色白信江梅委歲寒醉去花間留甕臥醒
回石上擁琴彈莫緣丘壑傷知遇雙屐扁舟自
在看

貽王槐庭

契闊王生十載餘空山誰與對幽居狂知醉墨
時拈筆瘦爲耽吟夜讀書換得鵝羣今幾在敲

來驢背近何如春懷風雨轉蕭索乘興尊前一起予

輓朱貞女

無那芳春折玉簪深原猶得慰追尋未歸敬仲
先占鳳何物公孫重委禽卽死有知終合璧平
生此諾第千金寥寥宇內今誰似萬古空山掛
鰥心

余客杭遍買吾園所未有之花先遣僕護
歸今次第開矣而余尚病客途花乎得

無念主人哉

遍向吳山買異葩雪中先遣赴丹霞經過春序
二三月開盡東風無數花歸望主人來月下病
知狂客在天涯明年此際酬清賞倍與高陽酒
幾車

次韻答顏廷愉

已信乾坤不繫舟獨傷離別爲同遊勞君相憶
青燈夜念我先增白髮秋醉夢未醒江上石愁
心難破月邊樓鷺門海接龍溪水安得移從一

處流

偕傳仰山魯次橋李如岡葉華東顏廷倫

并余仲弟飲紫芝山甘露亭

高扁新題冠紫山振衣真欲俯人寰千峰晴色
團亭下萬壑秋聲起樹間楚澤獨餘醒是恨竹
溪誰不醉爲顏呼盧天地寧論晚我輩偏宜長

日間

蔡石山民部招陪沈日峰明府登萬玉山

用韻

爲愛郊坰雨後容閒來杖屨一相從千巖苔石
青無數萬樹煙村翠且重主人意氣尊壘外仙
令風流我輩逢何因更附雙飛舄踏遍芙蓉頂
上峰

送王玉沙

江城西去萬山遙五嶺煙雲接使輶鷄犬粵南
秦郡縣旌旗塞上漢官寮總持霜節酬延頸莫
向風塵壓折腰况是臺臣焚草地聲華從此照
丹霄

歷代詩選
登雲巖頂

長風吹袂白雲巔
仙嶼神洲島道前
西峙千峰羅碧漢
東流萬里混青天
日回海嶠僧先曙
月挂山房客未眠
不意茲遊更奇絕
獨憐還少住
山緣

晏衛使招飲晏海樓限韻

層樓面面倚瑤空
小隊登臨我輩同
共約昨宵歌處月
仍來萬里坐中風
舉杯已見有此客
授簡仍慚無是公
薄暮避人忽移席
飛心直折海

門東

白鷺門雜作

勝遊初慰十年前
誰遣鄉心去住偏
古洞曲風穿石去
危城落日看山還
半窻夜色圍燈火
獨枕春聲送杜鵑
珍重主人投轄意
長江無計約歸船

登紫玉山

不盡雲山送遠眸
東來紫玉跨南州
孤峰自觸高天起
三水爭馳大海流
霧壓千村僧寺曉
月

歷代詩選
懸殘照客衣秋半生浪跡新藜杖猶向殊方說
勝遊

次韻別姚洞陽

立馬江東問去津看雲天北獨傷神平生吾愛
羲皇侶詩酒君爲我輩人華月九秋醒客夢涼
風千里戀車塵他年五嶺頻回首莫謂相思有
錦鱗

迎福寺

石尤隨雨觸扁舟虛惱山靈妬薄遊破曉晴雲

浮綵日徑辰春屐叩丹丘林巒蔚蔚千花媚臺
殿陰陰萬木幽不有新香侵古桂道人不愧是
深秋

登吳山

幽奇探盡到山頭四望風煙指掌收南北雙高
標漢峙東西二水抱城流蛟虬化石蟠仙嶠金
碧浮空錯帝州更惜間閭半齊習坐令形勝擅
千秋

宿九牧懷舍弟

獨傍征夫出建州猶然它日幾回頭曉行車上
知如此夜語燈前悔不畱九牧今宵吾稅駕一
溪何處爾維舟亦知吳越非長別眼底誰寬百
念愁

泊舟衢州計舍第當至三山
一從分手建溪頭我向青湖爾向甌五日離途
成十日閩州今夜話衢州江山已恐它鄉淚風
雨仍關獨客愁從此去程各千里何時消息慰
深秋

追憶亡友魏棲陽雲頂岩之約

故舊蕭條慘暮雲西郊白日漲玄氛長風天際
誰從我明月山中獨憶君十載芳盟雙涕淚半
生雄抱一丘墳孤吟豈謂陽春調虛對清宵北
斗文

秋日陪蕭見初二尹登紫雲岩得雲字

高風江上洗炎氛此際登臨况論文涼益樹陰
經曉雨濃分山色入秋雲不妨雅會容前席深
媿騷壇領後軍幽興更餘他日約菊花休遣負

清芬

前溪詩爲曹學博題

道人野興在滄洲况有高齋俯勝流晴岬栖煙
青壓柳寒波浴日白浮鷗夢回苔石荷衣晚歌
入蘆汀桂櫂秋便欲一竿從此老不須更問武
陵游

登白雲山山在南溪之南北面雲洞之九
臯亭相傳舊有僧住山中不出犬爲乞
火下山

經旬不厭看山勞更上雲山俯九臯乞火人間
僧獨往築巖天畔栢雙高眠分午榻清移夢坐
損春苔綠映袍到處登臨總懷抱相携元不爲
香醪

寄送傅仰山

望來離恨滿江洲夜夜飛心海上樓高榻自懸
徐穉約輕囊翻壯子長遊薰風古道槐荷曉明
月空山草樹秋白酒黃花叩行跡倚閭先憶大
刀頭

偕韓工部顏茂宰奉陪周沈二郡丞下司
理遊雲洞得容字

雲山於客舊相容况此追隨五馬蹤坐處不論

苔石好興來誰記酒杯重乾坤我輩還堪數郡

國風流可易逢最是田疇同苦雨一遊華日霽

千峰

柳徑

陶令門前種移栽一徑深日日邀黃鳥春風坐

綠陰

外邨

西邨又外邨寓目皆村趣胡爲村中人却厭邨

中住

獨往徑

依依芳徑深步步無拘束意到一狂吟驚起雙

眠鹿

河上臺

詩酒娛青山耕釣答白日俯仰河上臺何似歸

來逸

六集卷六十四 終

石倉十二代詩選

明六集卷六十五

錦田集

大明

晉江傅夏器著
後學曾學佺閱

春遊

草堂跼終鼃出野瞰天宇雨氣裒輕塵鳥聲和
振羽山川本降神芳景知何許時邀五柳春共
過三徑主錦水向東流巖野當前宁廣成是我
身憂戚庸玉女緣合鷗亦親心灰鹿為侶不見
屋上鳥不知人餘糈莫誇豕白頭莫騁鷄金距

歷代詩選 晉書 卷六十五
惟我直道行杳默玄元祖
春遊芳草行
鬱鬱適相逢萬事來填委
春色豈不歡此時正
蓬纍高歌喬林下忠憤不可揣
目極燕冀雲氣
剗屈賈壘遠徑惜草芳
流水看魚躍水不厭
蒞
蘭魚不厭魴鯉皇皇聲利塗
何獨惡我爾

晉江邑尹彭秀南均田茂績

地利天終始稅法時變遷
嘗聞李安世於魏奏
均田頃畝自官授公私以法編
庶幾九一後喜

看古意傳兩稅之法行庶民之弊延
不識擊壤事價求種玉仙水起錢神
浪風舞文法箋闔陽野換色開陰
蘿噴煙我公作霖日域中欣泰然
仁流天澤溥令下鏡華懸遐想荒土
績高詠徹田篇尋尺經地紀阡陌應
天躔漸鴻通海島舞鶴盡晉川安世
以地定我公以產平責受本有異上
功俱稱賢萋萋陽春路肅肅重民天
泉山四國仰滄海百川戀雨師溢恩
濺風伯颺聲綿何須鄭國水盛德自
千年

清秋吟

遠遜無高興清秋伴白雲辛勤古昔事沈吟風
雅文霞谷何寂寥煙景自昕昏簾幕隣烏鵲戶
牖秀萑芸瓊靡和露飲菊英陪酒餐飄零已如
此暮蟬豈堪聞收功功何似騷騷倚華門

暮宿白葉山莊

寂寞深林下幽貞誰與辟落日憐過鴈青山伴
旅魂世業寄鳳隴丘墳望鷓墩莊館煨燼後荒
址萑蕪存呼僮翦荆棘樹藝葺籬藩今秋禾稻
熟輸負浦前村農家時作苦樂歲競歡欣太平
如有象何必悲秋雲

行路難

鵬搏扶搖九萬里燕越雲程已八千自我間關
牛馬走爾來跋跣三十年水濶天長無羽翰魂
飛魄苦摧心肝滿目風波荆棘道蕭瑟方知行
路難宮中妬殺蛾眉好席上侈珍金穴寶綺紈
俠客煽炎灰輕薄少年侮犁老方柄員鑿空相
持鬣雲覆雨安可保招招舟子渡頭喧叩須我

友問邛津黃河水底長鯨窟鋸齒磨牙競食人
莫滿舫蓬飛箭鏃莫摧馬足眯車塵又有畏途
干戈阻窳偷咆吼橫黃昏昔日曾隨春風起三
素雲中拜紫元忽聽子規啼夜月重垂烏翥哺
寒雲朴忠自古無與立直道錄來最難容况當
嶮巖巉巖路使人見此心恟恟嗚呼難哉南北
利名相奔逐側身何處是高蹤

贈方雙江守松江

天子憐民瘼江城特借君鷁舟千里別鳳侶九

霄分白紵城中雨金山海上雲他年詢政績遺
愛有碑文

庚申燕邸候補越年

高舉八千路雲霄訪舊居積薪後至認鹿夢
前虛只尺天門遠二三時態疎關西聞伯起貧
也常晏如

元正對客

上月凍水解申天華色開雲光飜樹影鶯語雜
山埃席似竹林會人疑圍綺來據床聽錦瑟遐

想鳳凰臺

春日懷舊遊

遨遊憶暮景者舊各分風車馬雖遺跡聲容半
屬空水浮清勝遠鴻怨羈途窮世事春波泛徘徊
四顧中

春日登樓遠眺

樓下春風起四望到處浮斷岬分勝氣高嶺簾
天遊花草看新雉雲煙籠素蚪試聽天遠鴈嘯
嘯過前丘

春遊

我築傳巖下深藏布褐身倏然玄運轉不覺歲
華新室裏掃愁網梅梢彈指神撫心灰默默差
次後先塵

其二

春風吹雨夜寥寥高樓陰忙裏傷千變閒中托
寸心山川憶舊跡絲竹聽新聲東北青天望白
頭誰共吟

其三

山中風景清到處新鶯鳴泛泛戶庭趣喧喧
絲竹聲高連金粟杳奇接鹿仙坪吾欲通玄理遙
尋塵外盟

其四

春霽憑高檻殘陽倚樹斜幽情臨水渙芳勝對
雲誇野色生空谷燈花落片霞興中言不盡夢
寐自成家

其五

岡頭鳳一毛今日在蓬蒿春草迎衣袖晴花映

佩條孤雲愁自遠流水意彌騷向晚登望處風
煙萬里高

夏賞

自憐不得志出入水雲間風景似相約煙光共
一閒江山几座伴花柳簾帷班萬里天中意悠
然心所攀

其二

削跡避暑地都無人世喧氣瀟曾作雨地僻別
成村水木涵清景漁樵寫寓言山翁莫道老惡

負炎曦思
其三
時物雨餘變
盈盈川谷新
榴花沉暮色
笙箏起

朝筠偶此賞
心路渾忘機
巧神不空杯
酒興獨
葆天倪真

涼氣草亭多
王孫此日過
出門當古戍
行色引

煙波綠樹悲
風動青雲羨
鳥高聖朝無
棄物吾
老自婆娑

冬懷

天際青雲客
寒山抱日歸
故園人接踵
平野鳥
孤飛霧暗錦
川色波淘黃
石磯凌霄如
可問飽
食甕時肥

送林少雲之任粵僉

壯懷矍鑠據
征鞍銅柱銘
勳意未闕萬
里問津
通海角一車
甘雨起秋寒
天容海色和
相入漢
語蠻音靜不
謹更值明珠
回浦日隨光
灼灼炫
奇觀

楊村阻風

妻京蕭索半成秋一櫂夷猶萬里流歲月不禁
 悲老大江山何意苦淹留玄雲際海開蜃宇白
 浪黏天起玉樓安得乘槎興未盡乘風直逼絳
 河遊

桃花口水次獲雉

吾身涉世一舟輕文鳥何祥伴此行在旅不須
 煩簇矢如臯豈為賈才名鼎中膏食勤三施堂
 下衣紋覩九成莫怨德衰空自殆千年猶識獨

翔情

秋日聞警

門巷蕭條經過少幽懷山色兩嵯峨十年風景
 拋三徑萬里勳庸寄一歌地僻浮丘藏日月天
 寒秋水謝菱荷梁園對酒欲為賦縹緲煙波不
 禁多

春日種樹

宦途不得意澤畔度芳春可愛新桃李莫愁種
 樹人

秋興

鳥跡風吹盡孤雲山際閒逐臣無限意隨日到

函關

對鏡

勲業無成引鏡羞影形相弔一雙愁蕭蕭眼底

江南岍白盡蘆花滿地秋

新春

春風吹綠漲橫波輸與人間千尺羅借問王孫

朱戶裏此時光景更誰多

過虎丘弔古

吳宮沈醉越西施甲楯孤棲渾不疑恐嘯秋風

嘗膽夜螳螂有恨向黃池

石倉十二代詩選

明六集卷六十五

終

卷六十六

石倉十二代詩選

明六集卷六十六

瞿唐集

大明

梁山來知德著

後學曹學佺閱

答郭夢竹督學

交因澹泊成詩或江山助君昔過鱗龍擲地天
 台賦芳訊飛瑤華妍談發珠樹皦以明月光潤
 以金莖露照我養痾顏息彼求牟痾笑非採秀
 姿兀坐空山霧譬彼欵段才已甘長鳴鼻久無
 伏櫪思翻成伯樂顧蘭若覆春洲金虎遠秋度

嘯傲一枝巢緬邈千里路河廣川無梁無絲竹
情素豈識朱鸞翔還驚飛練鬼鄉耄集莊馘歌
滿舊時袴文飾指巫陽桃李沾脩注其中圓方
流嫪此亭亭璐子衿江南吟終失邯鄲步鷓鴣
叫日華虞淵不肯在百年瞬息間多因牽世務
因風灑短箋願託雲中鶯何時羅浮春慰此江
東暮

寄曹荔溪

曉日掛銅鉦俄爾雲填壑扶輪自東來析析成

蕭索譽彼歸飛鳥顧疇鳴秋穉涉江芙蓉老所
思在寥廓之子去悠悠三載猶如昨俯觀瀛海
生忽如過日鵲大江日夜流去矣不復却朱顏
尚可酡白髮終無藥揆余麋鹿姿休澣應脩薄
自笑屈轂瓠應難鑽挹杓子建肆飛藻玓瓌麗
金釀好惜玉鷄毛捧天鎮六幕而胡鬣采榮朶
嘯千仞霍圓折鬪方流蓄寶自光燭旣希防露
膏終然徵賀若蟾兔入璇題洛浦共婣約夕淪
注金壺反側紛六鑿鴛鴦裁合歡尺寸相斟酌

願隨晨風翼快此屠門嚼何時登塗山談笑傳
錯落寄言遺所欽擗翰心如篋師涓久不來無
人奏別鶴

崔二臺進士載酒江邊席上口占奉贈

人生七十古來少盡爲浮名驅到老杜甫憂時
夜夜愁元超舊恨猶難了宦情多半染髭鬚紅
塵白紵無人掃羨君平地作神仙金鼎瑤圖信
自然少年調笑明光賦盡入馬指齊物篇憐我
棲遲鍊鳳久拉我江邊芳杜畝一曲高歌江怪

驚青簾白舫迎紅友日暮人扶酪酌歸沙鷗漁
子笑殘暉懽呼但得尊中趣說甚空中鷄犬飛

聞郭夢菊公轉楚方伯奉寄

昔年同往南山麓高閣停林看脩竹夜深惠可
講慈雲絕壁泉聲響空谷別來歲月如浮漚不
覺飄飄十四秋百年道義憐知己紫氣空瞻彗
斗牛新恩漢闕還東魯樓船又向湘之浦懷人
復起白鹽思得句時看黃鶴舞洞庭黃鶴舊清
聲兒童竹馬索逢迎不獨山川添喜色其中魚

鳥亦知名笑我平生不自量欲到崑崙絕頂上
注易求溪十七年日與狍羲相揖讓十翼關心
已廢詩譬之寒竽久不吹久不吹竽聲轉澁空
將嘉貺欲銘絲何時霜鉞清西塞金符玉節驚
江怪一入巫陽生有祠材官幕客懽遺愛栗里
鷗盟久索居明春亦欲返蝸廬莫道天涯音信
少瞿唐多半武昌魚

古別離

悠悠念往路四望何寥廓游子行未行月上城

東旂仰視日月馳杯酒猶如昨夢裏各一方秋
螢滿搖落怪爾催歸鳥長如切夢刀五更到君
前依舊隔雲濤念子非一身安能同襦袍剩有
林巒興不共真珠槽浮雲自東來偶爾背溪走
迴旋如白衣倏忽成蒼狗食蘗與食梅人見各
適口苦酸止自知對客不可嘔我欲登日觀隨
君入崑陽飄然王母池安期共相羊讀以玉虛
篇飲以紫霞漿輕風鞞兩腋五岳任翱翔朝瞿
唐今夕梁父不作人間別離苦

逼逼歌哀楊作吾賦

逼逼逼井梧一落無消息流水高山半調絲四
十年前爲爾識嗚呼一歌兮歌聲孤浦林明月
爲誰鋪

子賤琴聲成雅弄士元驥足人難鞚陶令方脩
松菊盟鄭玄忽入龍蛇夢季真夙昔擅風流莊
生今日饒齋送嗚呼再歌兮歌聲長仰天四望
天蒼蒼

有母有母風中燭有妾有妾子遺腹夜臺鄉思

回飛轂天昏地黑楓嵐毒乘風逐霧落梁屋飢
鷓啄雪鳩婦哭嗚呼三歌兮歌轉哀一泓痛血
濕蒼苔

爾庭有樹變紫荆爾園有鳥化鵲鳩糟除知未
死此責爲誰明流雲兮木杪落日兮荒草我與
爾言兮傾懷抱爾胡長眠兮不曉

赤甲行

赤甲秋風一夜饒百卉芳歇梧桐彫美人別後
隔山椒蒹葭秋水天共遙欲往相從路無船星

漢西流夜迢迢尺書恨不寄明朝鸞姿一去不
可招西飛白日馬鑣鑣流光轉盼又玄枵援琴
鳴絃寫寂寥一曲相思不成調空憶當年舊板
橋

馮溪子

五月山中溪水長樹杪百泉飛混漾怒濤赴壑
助松聲白日魚龍成魍魎溪邊布穀日催耕溪
上貧家佃作生睠言疆以須曩屢鋤笠朝朝天
未明生涯飄泊惟破釜風雨留連薪作瀟大婦

斫竹小婦舂折莧煮糜日已午田中健兒怒飯
遲兩三赤脚江邊溜欲向平橋路已繞捷溪只
尺卽茅茨解衣調笑方移步未到江心先失足
難言白水卽玄壚綠波信是黃泉路大婦小婦
奔溪前淚滴溪沙沙亦穿晚來水落溪頭石夫
君歎傍石牀眠單衣敝席封淺土眼前酸慻生
今古前山一夜風雨深幻形依舊棲水府憶爾
當時去住情壯心視彼康莊平預知河伯權生
殺誰能慷慨赴滄瀛君不見村中馮溪子朝唱

竹枝暮蒿里

畫

亂石黏山山欲飛白雲芳草長山衣一派銀河
落樹杪萬里煙波只尺微中有幽人坐山足棕
鞋桐帽掛孤樹來時似有霧沾衣坐久不知將
日暮厓根老樹枝半枯野雀枝間隔葉呼呼時
似識幽人意好待山泉月一梳平生愛山看卽
飽試鑿閬風空自好王維畫裏勝槩多令我幽
思筆如掃

贈宗姪章還宕渠

春雲漠漠春將暮春風不度烏桺樹前山一夜
麴塵波萬紫千紅飛滿路有客有客自宕渠紉
蘭纒蕙萑爲裾十年不夢池中草雲深何意到
蝸廬一見仲容相絕倒香名入耳知多少紫庭
草穴果非奇夜光結綠難爲寶笑我餐霞老更
狂粟留日日喚求羊芟荷坐破沙鷗席懶看人
間舞袖長留爾溪邊釣紅藥共看溪雲流大壑
自古儒林道味長酌醴焚枯原不惡丈夫策足

當及時走馬獻賦明光墀誰道陽春知者罕江
湖何地少鍾期浮生百年會有役大都謗譟方
生朝肯將白日欺紅粧坐惜青陽老蒼碧南山
有豹臥空岡也因苦霧變文章無知之物且如
此五車何況讀縹緗福利一壺聊出祖生銅三
尺乘風舞行將飛步出塵冥榮名岌業懸家譜

石鼓歌

辛酉之歲月在午程生約我觀石鼓是日歎蒸
生微雨主人携榼盈銅乳初觀鼉鞮羅堂庶恍

疑鈔鑊及錡金及觀字畫半泐鏤蝦蟇齧斷弄
妻股桂花根折枝低頰老鬼竊藥奔銀浦媧皇
死後少縫補金樞誰人脩玉斧天仙下海尋天
姥三三兩兩駕飛躡醉狂帽落衣襤褸鯨魚驚
走蒲牢舞諸生觀者皆環堵一笑瘖蟬舌難吐
憶昔岐周開原膺十亂五臣爭萑莆昭穆八駿
驅馳苦龍虺蚪旛巡水府宣王抗志繩其祖六
月棲棲發兵琥一時賢相尹吉甫元老方叔皆
良輔東都百辟羅筵組會同奕奕光西泝鐫功

勒績破山嶠陳車列路告文武周道旣衰歌皇
父七雄橫戈闔獠虎中原戰骨齊天柱百姓誅
求盡梁稌司燿譴責蒼頡怒災及丘墳燒籍簿
從此元戎無訓詁儒術不用屠賈此物棄置
同鬻繩霜零雪壓啼鷓鴣蝥蟻痕蟠繡黼無
人愛惜移庵虜百年瞬息箭到弩歷唐迄宋鞭
飛駟吉日車攻辭麇麇句同義合符千古韓蘇
二子文章圖先後俱信中興譜殷勤作歌告聳
瞽表章之功不下禹我生最晚况朽腐曾毆儒

禽結典咎幸今經術崇東魯披雲撥霧青天睹
安置妥貼到橫宇珍重不啻栢梁柱當年寶器
光媚嫵天球河圖列行伍到今都變滄溟滷東
飄西泊十無五不如此物罕童毀千年有客來
摩撫吁嗟凡物屈伸默有主人生區區窮通何
足數倘爲賢入縱貧窶輒瓦砾破亦良珎倘成
不肖同瓠脯隨珠趙璧亦草莽信脅立脚須响
嘯振衣抖擻耻寰宇堯舜周孔非有羽赤子良
心皆自剖莫學蜉蝣無腸腑朝生翅羽暮泥土

貴關

君不見彥升裊裊縮銀黃
聯鑣許郭駕曹王
談劫曹劉聲焱赫
清塵滿路慕羊莊
大疇一日歸東越
含酸茹歎那飛潑
鴈兒啄啄各流離
嚴冬霰雪猶披葛
歸華別業轉風輪
昨日論交誰是真
處灰惟見今飄泊
肯思雕炭昔璘霏
當置酒勸爾勸爾
莫辭貴門前車馬
多如螻蛄朝起紅
塵暮生卉

歌風臺

秦宮鹿失楚猴逐
白蛇染血烏騅哭
咸陽竹帛入煙消
風捲山河成破竹
功成還憶沛中來
前度劉郎今又回
翠華渺渺迷歸路
金戈鐵騎響成雷
白旗黃鉞環桑梓
芒雲碣霧排光紫
人間喜羨錦衣還
未必亭長爲天子
憶昔賤爲亭長時
一身落魄苦奔馳
懶習詩書不識字
侘傺長爲鄉里嗤
孰知風物一時改
手提三尺平滄海
自著戎衣閱歲華
去住家山今幾載
酒酣自作三侯章
見童拍手繞壺觴
因思得國憑三傑
猶

欲斯人守四方遂將此地為湯沐青山白水蒙
 優沃飛甍複道峙中天竹籬茅徑成黃屋我來
 猶有歌風臺昔之慷慨何壯哉一自昂湖龍去
 後白沙黃霧起塵埃神雀醢鷄同啁嚙東流泗
 水無昏曉寒鴉啼處野棠開傷心不獨虞姬草
 杪秋有懷郭夢菊太府

落木鴻初到褰帷菊正明秉衡時有待典郡歲
 仍更地闢劉封井江深白帝城文翁多化雨肯
 讓峴山名

其二

落手煙花熟迎人水月圓看山隨屐到得酒傍
 衰眠蔗秀甘遺世桓譚獨信玄于今千載下巴
 國見遺編

寄劉洞衡

十載支離久三秋夢寐長江山巴國樹鸛鶴楚
 天霜詩作蛟龍吼名應菘蕙香南來有春鴈何
 日度瀟湘

康村

紅樹千峰遠青溪萬壑卑沙虛脩竹短春淺落花遲水石平分處漁樵問答時鳥聲長一嘯似欲慰詩脾

獨立

獨立滄江遠回看孤嶼清綠苔團竹徑黃葉送蟬聲世豈疎儒術人多戀利名鳳凰如欲出依舊向陽鳴

誰人

誰人太磳斫築室傍岬嶽地繞龍蛇窟墻依翡

翠巢野雲流石髓疎雨淨仙茅一片泉如雪當年擬虎跑

平都仙境

鳥道前朝樹珠宮背郭山蒼虬騎霧帶青鵲啄雲鬟窈窕仙應逝招呼鶴可還孤舟千里遠長鯨五遊斑春倒誰人甕鷗忘急瀨潺一琴隨月住半榻借僧閒醉後題殘句鐘聲起暝灣

登石佛寺

暘暑欲無聊幽堂偶見招秋潭沉窸窣太白鬱

岩堯寺傍孤根石溪橫獨木橋龍蛇蟠殿古煙
霧接天遙迎送蒼髯管浮休白日消興清鳴磬
寂望遠渡杯遙縱目重登榭除煩不係瓢素絃
擘賈島黃耳摘參寥邂逅題岷穴留連坐斗杓
林塘如姓魏刀筆更聞堯几席緣風口壺觴對
野樵開襟陟嶮館觸熱過山椒

有客

露滴雲流淨石淙野猿幽鳥亦春容當簷花撲
仙人几隔澗霞封隱者松歲月漸隨芝草長道

情常共酒杯濃東京有客來相訪家住夔州十
二峰

寄沈梁峨

結客當年漸曙星休文別後幾登臨知君詩發
千篇艷笑我居常萬疊青插柳長成應有傳種
魚生活豈無經何時得遂山陽願夜夜梨花繞
幔亭

過傳達吾舊居

郁歷西風捧火輪大江東去一溝銀卽看三徑

羊腸路翻憶千杯馬乳春
杜甫堂前新舊雨
翟公門外往來人
可憐日月成何事
長笛蕭蕭起暮隣

答人

半畝茅堂枕白沙
栽松植柳卽爲家
青虫自晚懸簷出
黃葉風輕繞澗斜
生理年年占八穀
修仙箇箇問三花
江湖無限東陵地
種得松蕢勝菘麻

會岐山自岑公遠訪予于釜山于其歸也

賦此贈別

白屋參差碧樹齊
金山虛擬近丹梯
菊花見客爭籬發
杜若乘風拂岼低
詩賦誰人驅鮑謝
煙霞吾道覺醯鷄
憐渠百里能相訪
水滿蒹葭月滿溪

送馮錦橋還宛陵

八月扁舟下宛陵
海門秋色自浮沉
十年汗漫還初服
一徑蕭疎見故林
止惜丹心空許國
從來白雪少知音
蒼浪流水仍依舊
清濁惟聽孺

子吟

向雪亭見訪

七夕銀河暑未收
馬蹄底事不相留
風塵憶作秦中客
蹤跡須知水上漚
茅屋石牀三伏冷
黃柑紫蟹五湖秋
雪亭想在山陰畔
得興還撐訪戴舟

題贈東明禪僧

寺下長川淨
夕暉寺邊高
竹帶霜飛登堂便覺
僧家靜得句
翻思遊者肥
空寂不妨通
短刺相

逢還欲借禪衣
明年共約登衡嶽
坐看冰簾捲翠微

盧行所見在別之以詩

朝朝暮暮對枯桐
山北山南長桂叢
兩地久懸千里隔
三春何幸一尊同
已留徐孺開塵榻
更共盧敖笑壤蟲
倏爾相逢仍惜別
差池燕紫野桃紅

黃令長栖山堂謝之以詩

紅泉翠壁繫漁艇
箬笠蒲團對薜蘿
笑我著書

歷代詩選
明及身錄
主
耽歲月看君學道見絃歌花間雨久人來少郭
外春深野燒多不有明公能折節輪蹄誰到白
雲窩

其意有客
地僻忽驚千里客雲深長斷九霄鴻疎慵自識
成聲叟尋訪誰疑是醉翁帶雨枯松橫淺水背
人啼鳥隔深叢風流却笑柴桑子一徑黃花滿
甕紅

許象洲元戎于梁山曾許仙茅久不見惠

詩以速之

天邊有客饋仙茅爲是施州瀟近郊幕府曾云
千里寄仙家虛冷六丁庖鳩鳩春盡呼榆莢謝
豹花深掛柳梢極目不知何日到長歌幾度塵
橫敲

贈小溪

疊翠堆奇自畫屏小溪欹石錯繁星一灣古水
新生綠兩岍長楊短着青嵯壑雲常連豹霧柴
門月已浸鷗汀相思記得曹溪畔風捲松花雨

打萍
小酌

萬尺蒼松躡美髯一壺清酌到山尖
已知白髮嫌青鏡幸有黃流媚黑甜
雨後晴光排素嶂春深草色上疎簾
笑看此境須拚醉說與東風莫捲帘

獨步

散髮行歌獨拄鳩薜蘿回首草堂幽
誰言被褐懷珠玉自信忘機狎海鷗
風送暮煙開夕照鳥

銜秋色過汀洲
權呼剩有王猷與
未必山陰好放舟

與太空禪僧

暑逐秋林一葉紅
亂藤高竹趁西風
六街燈火人家靜
閒與山僧說苦空

與歸雲寺和尚

畏冷重添破衲頭
幻心元不論春秋
溪蔬煮罷無多事
獨木橋邊看水流

明六集卷六十六 終

歷代詩選

目錄

其

[Faint vertical text in columns, likely bleed-through or secondary text]

詩經

卷一



